

史記

人物全傳

[3]

「纪传版二十六史」 国学网精校本

「西汉」 司马迁 撰



北京时代华文书局

史記

人物全传

[3]

列传〔上〕

〔纪传版二十六史〕 国学网精校本

〔西汉〕 司马迁撰 周殿富 主编 尹小林 点校



北京时代华文书局

图书在版编目 (CIP) 数据

史记人物全传 / (西汉) 司马迁撰. — 北京 : 北京时代华文书局, 2013. 12
(纪传版二十六史 / 周殿富主编)
ISBN 978-7-80769-198-3

I. ①史… II. ①司… III. ①中国历史—古代史—纪
传体 IV. ①K204.2

中国版本图书馆 CIP 数据核字 (2013) 第 293923 号

【纪传版二十六史】

史记人物全传

[西汉] 司马迁 / 撰

出 版 人 田海明 周殿富
主 编 周殿富 副 主 编 尹小林
执行主编 武 学 点 校 尹小林
责任编辑 宋 春 张 原 侯娟雅 张艳玲
特约编辑 李 莉 马小奔 李广超 孙懿新
装帧设计 张亚力 迟 稳
发行总监 张国平 营销总监 赵秀彦
责任印制 刘 银 范玉洁
出 版 时代出版传媒股份有限公司 <http://www.press-mart.com>
北 京 时 代 华 文 书 局 <http://www.bjsdsj.com.cn>
北京市东城区安定门外大街 136 号皇城国际大厦 A 座 8 楼 邮编: 100011
发 行 北京时代华文书局图书发行部 (010) 64267120 64267397
印 制 北京亚通印刷有限责任公司 (010) 52891770
规 格 710mm×1000mm 1/16
印 张 114.75
字 数 1228 千字
版 次 2014 年 3 月第 1 版 2014 年 3 月第 1 次印刷
书 号 ISBN 978-7-80769-198-3
定 价 148.00 元 (全四册)

目 录

第三卷·列传

卷六十一·伯夷 叔齐	897
卷六十二·管仲 晏婴	905
卷六十三·老子 庄子 申不害 韩非	911
卷六十四·司马穰苴	925
卷六十五·孙子 孙臆 吴起	928
卷六十六·伍子胥	935
卷六十七·仲尼弟子	945

颜 回 / 闵 损 / 冉 耕 / 冉 雍 / 冉 求
仲 由 / 宰 予 / 端木赐 / 言 偃 / 卜 商
颛孙师 / 曾 参 / 澹台灭明 / 宓不齐 / 原 宪
公冶长 / 南宫括 / 公皙哀 / 曾 蒧 / 颜无繇
商 瞿 / 高 柴 / 漆彫开 / 公伯寮 / 司马耕
樊 须 / 有 若 / 公西赤 / 巫马施 / 梁 鱣
颜 幸 / 冉 孺 / 曹 邴 / 伯 虔 / 公孙龙
冉 季 / 公祖句兹 / 秦 祖 / 漆雕哆 / 颜 高
漆雕徒父 / 壤驷赤 / 商 泽 / 石作蜀 / 任不齐
公良孺 / 后 处 / 秦 冉 / 公夏首 / 奚容箴
公肩定 / 颜 祖 / 鄒 单 / 句井疆 / 罕父黑
秦 商 / 申 党 / 颜之仆 / 荣 旂 / 县 成
左人郢 / 燕 伋 / 郑 国 / 秦 非 / 施之常
颜 哂 / 步叔乘 / 原亢籍 / 乐 歆 / 廉 絜
叔仲会 / 颜 何 / 狄 黑 / 邦 巽 / 孔 忠
公西舆 / 公西蒧

卷六十八·商鞅·····	976
卷六十九·苏秦 苏代 苏厉·····	986
卷七十·张仪·····	1015
卷七十一·樗里子 甘茂 甘罗·····	1035
卷七十二·穰侯魏冉·····	1046
卷七十三·白起 王翦 ·····	1052
卷七十四·孟子 邹忌 邹衍 淳于髡 慎到 驺奭 荀卿 墨子 ·····	1061
卷七十五·孟尝君田文·····	1068
卷七十六·平原君赵胜 虞卿 ·····	1078
卷七十七·魏公子无忌·····	1087
卷七十八·春申君黄歇·····	1094
卷七十九·范雎 蔡泽 ·····	1104
卷八十·乐毅 乐间 乐乘·····	1124
卷八十一·廉颇 蔺相如 赵奢 李牧 ·····	1132
卷八十二·田单·····	1143

卷八十三·鲁仲连 邹阳	1147
卷八十四·屈原 贾谊	1163
卷八十五·吕不韦.....	1181
卷八十六·刺客.....	1189
曹 沫 / 专 诸 / 豫 让 / 聂 政 / 荆 轲	
卷八十七·李斯.....	1208
卷八十八·蒙恬.....	1228
卷八十九·张耳 陈余 张敖.....	1233
卷九十·魏豹 彭越	1246
卷九十一·英布.....	1251
卷九十二·淮阴侯韩信.....	1260
卷九十三·韩王信 卢绾 陈豨.....	1277
卷九十四·田儋 田荣 田横.....	1286
卷九十五·樊哙 酈商 夏侯婴 灌婴	1292
卷九十六·张丞相.....	1309
张 苍 / 周 昌 / 任 敖 / 申屠嘉 / 韦 贤	
魏 相 / 酈 吉 / 黄 霸 / 韦玄成 / 匡 衡	

卷九十七・酈食其 陸賈 1321

卷九十八・傅寬 靳歙 周緤..... 1333

卷九十九・劉敬 叔孫通 1338

伯夷 叔齐

【索隐】列传者，谓叙列人臣事迹，令可传于后世，故曰《列传》。【正义】其人行迹可序列，故云《列传》。

夫学者载籍极博，犹考信于六艺。《诗》《书》虽缺^①，然虞夏之文可知也^②。尧将逊位，让于虞舜，舜禹之间，岳牧咸荐，乃试之于位，典职数十年^③，功用既兴，然后授政。示天下重器^④，王者大统，传天下若斯之难也。而说者曰尧让天下于许由^⑤，许由不受，耻之逃隐。及夏之时，有卞随、务光者。此何以称焉^⑥？太史公曰：余登箕山^⑦，其上盖有许由冢云。孔子序列古之仁圣贤人，如吴太伯、伯夷之伦详矣。余以所闻由、光^⑧义至高^⑨，其文辞不少概见，何哉^⑩？

①【索隐】按：《孔子系家》称古诗三千余篇，孔子删三百五篇为《诗》，今亡五篇。又《书纬》称孔子求得黄帝玄孙帝魁之书，迄秦穆公，凡三千三百三十篇，乃删以一百篇为《尚书》，十八篇为《中候》。今百篇之内见亡四十二篇，是诗书又有缺亡者也。②【索隐】按：《尚书》有《尧典》《舜典》《大禹谟》，备言虞夏禅让之事，故云“虞夏之文可知也”。③【正义】舜禹皆典职事二十余年，然后践帝位。④【索隐】言天下者是王者之重器，故《庄子》云“天下大器”是也。则大器亦

重器也。⑤【正义】皇甫谧《高士传》云：“许由字武仲。尧闻致天下而让焉，乃退而遁于中岳颍水之阳，箕山之下隐。尧又召为九州长，由不欲闻之，洗耳于颍水滨。时有巢父牵犊欲饮之，见由洗耳，问其故。对曰：‘尧欲召我为九州长，恶闻其声，是故洗耳。’巢父曰：‘子若处高岸深谷，人道不通，谁能见子？子故浮游，欲闻求其名誉。污吾犊口。’牵犊上流饮之。许由歿，葬此山，亦名许由山。”在洛州阳城县南十三里。

⑥【索隐】按：“说者”谓诸子杂记也。然尧让于许由，及夏时有卞随、务光等，殷汤让之天下，并不受而逃，事具庄周《让王》篇。【正义】经史唯称伯夷、叔齐，不及许由、卞随、务光者，不少概见，何以哉？故言“何以称焉”，为不称说之也。⑦【索隐】盖杨惲、东方朔见其文称“余”，而加“太史公曰”也。⑧【索隐】谓太史公闻庄周所说许由、务光等。

⑨【索隐】谓尧让天下于许由，由遂逃箕山，洗耳于颍水；卞随自投于桐水；务光负石自沈于卢水：是义至高。⑩【索隐】按：概是梗概，谓略也。盖以由、光义至高，而《诗》《书》之文辞遂不少梗概载见，何以如此哉？是太史公疑说者之言或非实也。【正义】概，古代反。

孔子曰：“伯夷、叔齐，不念旧恶，怨是用希。”“求仁得仁，又何怨乎？”余悲伯夷之意，睹轶诗可异焉^①。其传曰：伯夷、叔齐，孤竹君之二子也^②。父欲立叔齐，及父卒，叔齐让伯夷。伯夷曰：“父命也。”遂逃去。叔齐亦不肯立而逃之。国人立其中子。于是伯夷、叔齐闻西伯昌善养老，盍往归焉^③。及至，西伯卒，武王载木主，号为文王，东伐纣。伯夷、叔齐叩马而谏曰：“父死不葬，爰及干戈，可谓孝乎？以臣弑君，可谓仁乎？”左右欲兵之。太公曰：“此义人也。”扶而去之。武王已平殷乱，天下宗周，而伯夷、叔齐耻之，义不食周粟，隐于首阳山^④，采

薇而食之^⑤。及饿且死，作歌。其辞曰：“登彼西山兮^⑥，采其薇矣。以暴易暴兮，不知其非矣^⑦。神农、虞、夏忽焉没兮，我安适归矣^⑧？于嗟徂兮，命之衰矣^⑨！”遂饿死于首阳山。由此观之，怨邪非邪^⑩？

①【索隐】谓悲其兄弟相让，又义不食周粟而饿死。睹音睹。轶音逸。谓见逸诗之文，即下采薇之诗是也。不编入三百篇，故云逸诗也。可异焉者，按《论语》云“求仁得仁，又何怨乎”。今其《诗》云“我安适归矣，于嗟徂兮，命之衰矣”。是怨词也，故云可异焉。②【索隐】按：“其传”盖《韩诗外传》及《吕氏春秋》也。其《传》云孤竹君，是殷汤三月丙寅日所封。相传至夷、齐之父，名初，字子朝。伯夷名允，字公信。叔齐名致，字公达。解者云夷，齐，谥也；伯，仲，又其长少之字。按：《地理志》孤竹城在辽西令支县。应劭云伯夷之国也。其君姓墨胎氏。【正义】本前注“丙寅”作“殷汤正月三日丙寅”。《括地志》云：“孤竹古城在卢龙县南十二里，殷时诸侯孤竹国也。”③【索隐】刘氏云：“盍者，疑辞。盖谓其年老归就西伯也。”④【集解】马融曰：“首阳山在河东蒲阪华山之北，河曲之中。”【正义】曹大家注《幽通赋》云：“夷齐饿于首阳山，在陇西首。”又戴延之《西征记》云：“洛阳东北首阳山有夷齐祠。”今在偃师县西北。又《孟子》云：“夷、齐避纣，居北海之滨。”首阳山，《说文》云首阳山在辽西。史传及诸书，夷、齐饿于首阳凡五所，各有案据，先后不详。《庄子》云：“伯夷、叔齐西至岐阳，见周武王伐殷，曰：‘吾闻古之士，遭治世不避其任，遇乱世不为苟存。今天下闇，周德衰，其并乎周以涂吾身也，不若避之以絜吾行。’二子北至于首阳之山，遂饥饿而死。”又下诗“登彼西山”，是今清源县首阳山，在岐阳西北，明即夷、齐饿死处也。⑤【索隐】薇，蕨也。《尔雅》云：“蕨，鳖也。”【正义】陆玕《毛诗草木疏》云：“薇，山菜也。茎叶皆似小豆，蔓生，其味亦如小豆藿，

可作羹，亦可生食也。”⑥【索隐】按：西山即首阳山也。

⑦【索隐】谓以武王之暴臣易殷纣之暴主，而不自知其非矣。

⑧【索隐】言羲、农、虞、夏敦朴禅让之道，超忽久矣，终没矣。今逢此君臣争夺，故我安适归矣。⑨【索隐】于嗟，嗟叹之辞也。徂者，往也，死也。言己今日饿死，亦是运命衰薄，不遇大道之时，至幽忧而饿死。⑩【索隐】太史公言己观此诗之情，夷、齐之行似是有所怨邪？又疑其云非是怨邪？

或曰：“天道无亲，常与善人。”若伯夷、叔齐，可谓善人者非邪①？积仁絜行如此而饿死！且七十子之徒，仲尼独荐颜渊为好学。然回也屡空，糟糠不厌②，而卒早夭。天之报施善人，其何如哉？盗跖日杀不辜③，肝人之肉④，暴戾恣睢⑤，聚党数千人横行天下，竟以寿终⑥。是遵何德哉⑦？此其尤大彰明较著者也⑧。若至近世，操行不轨，专犯忌讳，而终身逸乐⑨，富厚累世不绝。或择地而蹈之⑩，时然后出言⑪，行不由径⑫，非公正不发愤，而遇祸灾者，不可胜数也⑬。余甚惑焉，傥所谓天道，是邪非邪⑭？

①【索隐】又叙论云若夷、齐之行如此，可谓善人者邪，又非善人者邪，亦疑也。②【索隐】厌者，厌也，不厌谓不饱也。糟糠，贫者之所餐也，故曰“糟糠之妻”是也。然颜生簞食瓢饮，亦未见“糟糠”之文也。③【索隐】“跖”及注作“跖”，并音之石反。按：盗跖，柳下惠之弟，亦见《庄子》，为篇名。【正义】按：跖者，黄帝时大盗之名。以柳下惠弟为天下大盗，故世放古，号之盗跖。④【索隐】刘氏云“谓取人肉为生肝”，非也。按：《庄子》云“跖方休卒太山之阳，脍人肝而脯之”。⑤【索隐】暴戾谓凶暴而恶戾也。邹诞生恣音资，睢音千余反。刘氏恣音如字，睢音休季反。恣睢谓恣行为睢恶之貌也。【正义】睢，仰白目，怒貌也。言盗跖凶暴，恶戾，恣性，怒

白目也。⑥【集解】《皇览》曰：“盗跖冢在河东大阳，临河曲，直弘农华阴县潼乡。”按：盗跖即柳下惠弟也。【索隐】直音如字。直者，当也。或音值，非也。潼音同。按：潼，水名，因为乡，今之潼津关是，亦为县也。【正义】《括地志》云：“盗跖冢在陕州河北县西二十里。河北县本汉大阳县也。又今齐州平陵县有盗跖冢，未详也。”⑦【索隐】言盗跖无道，横行天下，竟以寿终，是其人遵行何德而致此哉？⑧【索隐】按：较，明也。言伯夷有德而饿死，盗跖暴戾而寿终，是贤不遇而恶道长，尤大著明之证也。⑨【索隐】谓若鲁桓、楚灵、晋献、齐襄之比皆是。⑩【索隐】谓不仕暗君，不饮盗泉，裹足高山之顶，窜迹沧海之滨是也。【正义】谓北郭骆、鲍焦等是也。⑪【索隐】按：《论语》“夫子时然后言”。⑫【索隐】按：《论语》澹台灭明之行也。⑬【索隐】谓人臣之节，非公正之事不感激发愤。或出忠言，或致身命，而卒遇祸灾者，不可胜数。谓龙逢、比干、屈平、伍胥之属是也。⑭【索隐】太史公惑于不轨而逸乐，公正而遇灾害，为天道之非而又是邪？深感之也。盖天道玄远，聪听暂遗，或穷通数会，不由行事，所以行善未必福，行恶未必祸，故先达皆犹昧之也。【正义】悦音他荡反。悦，未定之词也。为天道不敢的言是非，故云悦也。

子曰“道不同不相为谋”，亦各从其志也^①。故曰“富贵如可求，虽执鞭之士，吾亦为之^②。如不可求，从吾所好^③”。“岁寒，然后知松柏之后凋^④”。举世混浊，清士乃见^⑤。岂以其重若彼，其轻若此哉^⑥？

①【正义】太史公引孔子之言证前事也。言天道人道不同，一任其运遇，亦各从其志意也。②【集解】郑玄曰：“富贵不可求而得之，当修德以得之。若于道可求而得之者，虽执鞭贱职，我亦为之。”③【集解】孔安国曰：“所好者古人之道。”

④【集解】何晏曰：“大寒之岁，众木皆死，然后松柏少凋伤；

平岁众木亦有不死者，故须岁寒然后别之。喻凡人处治世，亦能自修整，与君子同，在浊世然后知君子之正不苟容也。”

⑤【索隐】老子曰：“国家昏乱，始有忠臣”，是举代混浊，则士之清絜者乃彰见，故上文“岁寒然后知松柏之后彫”，先为此言张本也。【正义】言天下混乱，清絜之士不挠，不苟合于盗跖也。⑥【索隐】按：谓伯夷让德之重若彼，而采薇饿死之轻若此。又一解云，操行不轨，富厚累代，是其重若彼；公正发愤而遇祸灾，是其轻若此也。【正义】重谓盗跖等也。轻谓夷、齐、由、光等也。

“君子疾没世而名不称焉^①。”贾子曰^②：“贪夫徇财^③，烈士徇名，夸者死权^④，众庶冯生^⑤。”“同明相照^⑥，同类相求^⑦。”“云从龙，风从虎^⑧，圣人作而万物睹^⑨。”伯夷、叔齐虽贤，得夫子而名益彰^⑩。颜渊虽笃学，附骥尾而行益显^⑪。岩穴之士，趣舍有时若此，类名堙灭而不称，悲夫^⑫！闾巷之人，欲砥行立名者^⑬，非附青云之士，恶能施于后世哉？

①【索隐】自此已下，虽论伯夷得夫子而名彰，颜回附骥尾而行著，盖亦欲微见己之著撰不已，亦是疾没世而名不称焉，故引《贾子》“贪夫徇财，烈士徇名”是也。又引“同明相照，同类相求”，“云从龙，风从虎”者，言物各以类相求。故太史公言己亦是操行廉直而不用于世，卒陷非罪，与伯夷相类，故寄此而发论也。【正义】君子疾没世后惧名堙灭而不称，若夷、齐、颜回絜行立名，后代称述，亦太史公欲渐见己立名著述之美也。②【索隐】贾子，贾谊也。谊作《鹏鸟赋》云然，故太史公引之而称“贾子”也。③【正义】徇，才迅反。徇，求也。瓚云：“以身从物曰徇。”④【索隐】言贪权势以矜夸者，至死不休，故云“死权”也。⑤【索隐】冯者，恃也，音凭。言众庶之情，盖恃矜其生也。邹诞本作“每生”。每者，冒也，

即贪冒之义。【正义】太史公引贾子譬作《史记》，若贪夫徇财，烈士徇名，夸者死权，众庶冯生，乃成其《史记》。

⑥【索隐】已下并易系辞文也。⑦【正义】天欲雨而柱础润，谓同德者相应。⑧【集解】王肃曰：“龙举而景云属，虎啸而谷风兴。”张璠曰：“犹言龙从云，虎从风也。”⑨【集解】马融曰：“作，起也。”【索隐】按：又引此句者，谓圣人起而居位，则万物之情皆得睹见，故已今日又得著书言世情之轻重也。【正义】此有识也。圣人有养生之德，万物有长育之情，故相感应也。此以上至“同明相照”是《周易·乾象》辞也。太史公引此等相感者，欲见述作之意，令万物有睹也。孔子歿后五百岁而已当之，故作《史记》，使万物见睹之也。《太史公序传》云：“先人有言：‘自周公卒五百岁而有孔子，孔子卒后至于今五百岁，有能绍名世，正《易传》，继《春秋》，本《诗》《书》《礼》《乐》之际，意在斯乎！’小子何敢让焉。”作《述六经》云：“《易》著天地阴阳四时五行，故长于变。《礼》经纪人伦，故长于行。《书》记先王之事，故长于政。《诗》记山川谿谷禽兽草木牝牡雌雄，故长于风。《乐》乐所以立，故长于和。《春秋》辨是非，故长于治人。是故《礼》以节人，《乐》以发和，《书》以道事，《诗》以达意，《易》以道化，《春秋》以道义。拨乱世反之正，莫近于《春秋》。”按：述作而万物睹见。

⑩【正义】伯夷、叔齐虽有贤行，得夫子称扬而名益彰著。万物虽有生养之性，得太史公作述而世事益睹见。

⑪【索隐】按：苍蝇附骥尾而致千里，以譬颜回因孔子而名彰也。⑫【正义】趣音趋。舍音捨。趣，向也。舍，废也。言隐处之士，时有附骥尾而名晓达；若堙灭不称数者，亦可悲痛。

⑬【正义】砥音旨。砺行修德在乡闾者，若不托贵大之士，何得封侯爵赏而名留后代也？

【索隐述赞】

天道平分，与善徒云。贤而饿死，盗且聚群。吉凶倚伏，报施
纠纷。子罕言命，得自前闻。嗟彼素士，不附青云！

管仲 晏婴

管仲夷吾者，颍上人也^①。少时常与鲍叔牙游，鲍叔知其贤。管仲贫困，常欺鲍叔^②，鲍叔终善遇之，不以为言。已而鲍叔事齐公子小白，管仲事公子纠。及小白立为桓公，公子纠死，管仲囚焉。鲍叔遂进管仲^③。管仲既用，任政于齐^④，齐桓公以霸，九合诸侯，一匡天下，管仲之谋也。

①【索隐】颍，水名。《地理志》颍水出阳城。汉有颍阳、临颍二县，今亦有颍上县。【正义】韦昭云：“夷吾，姬姓之后，管严之子敬仲也。”②【索隐】《吕氏春秋》：“管仲与鲍叔同贾南阳，及分财利，而管仲尝欺鲍叔，多自取。鲍叔知其有母而贫，不以为贪也。”③【正义】《齐世家》云：“鲍叔牙曰：‘君将治齐，则高傒与叔牙足矣。君且欲霸王，非管夷吾不可。夷吾所居国重，不可失也。’于是桓公从之。”韦昭云：“鲍叔，齐大夫，妘姓之后，鲍叔之子叔牙也。”④【正义】《管子》云：“相齐以九惠之教，一曰老，二曰慈，三曰孤，四曰疾，五曰独，六曰病，七曰通，八曰赈，九曰绝也。”

管仲曰：“吾始困时，尝与鲍叔贾^①，分财利多自与，鲍叔不以我为贪，知我贫也。吾尝为鲍叔谋事而更穷困，鲍叔不以我为愚，知时有利不利也。吾尝三仕三见逐于

君，鲍叔不以我为不肖，知我不遭时也。吾尝三战三走，鲍叔不以我怯，知我有老母也。公子纠败，召忽死之，吾幽囚受辱，鲍叔不以我为无耻，知我不羞小节而耻功名不显于天下也。生我者父母，知我者鲍子也。”

①【正义】音古。

鲍叔既进管仲，以身下之。子孙世禄于齐，有封邑者十余世^①，常为名大夫。天下不多管仲之贤而多鲍叔能知人也。

①【索隐】按：《系本》云“庄仲山产敬仲夷吾，夷吾产武子鸣，鸣产桓子启方，启方产成子孺，孺产庄子卢，卢产悼子其夷，其夷产襄子武，武产景子耐涉，耐涉产微，凡十代”。系谱同。

管仲既任政相齐^①，以区区之齐在海滨^②，通货积财，富国强兵，与俗同好恶。故其称曰^③：“仓廩实而知礼节，衣食足而知荣辱，上服度则六亲固^④。四维不张，国乃灭亡^⑤。下令如流水之原，令顺民心。”故论卑而易行^⑥。俗之所欲，因而予之；俗之所否，因而去之。

①【正义】《国语》云：“齐桓公使鲍叔为相，辞曰：‘臣之不若夷吾者五：宽和惠民，不若也；治国家不失其柄，不若也；忠惠可结于百姓，不若也；制礼义可法于四方，不若也；执枹鼓立于军门，使百姓皆加勇，不若也。’”②【正义】齐国东滨海也。③【索隐】是夷吾著书所称管子者，其书有此言，故略举其要。④【正义】上之服御物有制度，则六亲坚固也。六亲谓外祖父母一，父母二，姊妹三，妻兄弟之子四，从母之子五，女之子六也。王弼云“父、母、兄、弟、妻、子也”。⑤【集解】《管子》曰：“四维，一曰礼，二曰义，三曰廉，四曰耻。”⑥【正义】言为政令卑下鲜少，而百姓易作行也。

其为政也，善因祸而为福，转败而为功。贵轻重^①，